

Gui'ch barojp guxhaal San Pabl loj ree b́en Tesalónica rliiladx Jesucrist

1 Naj, Pab con Silvan në Timoteo, cayxhaalan gui'ch guie par lējt rliiladxidi Jesucrist luguiedx Tesalónica, lējt najdi xbejn dux Dad ree Dios në xbejn Dad Jesucrist. ²Dux Dad ree Dios në Dad Jesucrist güünle' lējt yabe'cdxe tēē reeman luxdoodi.

Rudēēd Pab quixtēē loj Dios

³Guixie guixie radēēn quixtēē loj Dios por lējt compniar raliduladx ree Jesucrist, din zian rayal yaguieenan guial mazri cusnuu rliiladxidi laaman, abi' t'ijb gajdi mazri ma rēn lasa'di. ⁴Zeel dád nix yu' du luxdoon raza'tan lējt loj gra ree xbejn Dios, raguie'chan loj reeman pacens ni rajpidi në guialrliiladx ni rajpidi, rdaan tēēdi gra ree ni rüjnnē ree bejn lējt në gra ree guialzi ni cadēdidi. ⁵Zian rguien xnejz naj xguialguxtis Dios, guial gulejman lējt din yayalidi lod rniabeeman, din por laan cadēdidi guialzi.

⁶Abi' guial gra ni rüjn Dios naj xnejz, zeel gudēēdaman casti gra ree b́en cudēēd lējt casti. ⁷Guiáad lējt cadēdidi guialzi yan, guneeaman lējt guialraziiladx con dunujn, dxej

ni guliüloj Dad Jesucrist diizd xanyabaa galay xbianiman ni naj zi'c bajl, con ree xianjlaman b́en ca' ree mazri guialrniabee. ⁸Dxel gudēēdaman casti b́en ad bayagbeet ree Dios, b́en ad guyēnt ree nuzoob xtiidxza'c Dad Jesucrist. ⁹Gudēēdaman laa reeman casti tiblayaa, su reeman zijt par Dios në par xguialrniabee za'cdxoonman. ¹⁰Zian gac dxej ni gui't Dad Jesucrist, din guza't ree bejn laaman zagdxe por ree xbejnman, yadxa tēē loj gra reeman laaman, abi' në lējt, din ma bililadxidi xtiidxaman ni badün lojdi.

¹¹Zeel ad racwēēzt rarejdx ranaaban Dios por lējt din gagnēman lējt guibandi zi'c rayal, zi'c guredxaman lējt guibandi. Ranaab tēēn lojman guial con xguialrniabeeman gac cumplid gra xixgabzagdxe di në gra ni rüjndi guial rliiladxidi laaman. ¹²Abi' zian guiliesidi xvalor Dad Jesucrist, guiáad laaman guilies xvaloridi guial laaman con dux Dad ree Dios rēn reeman dunuj ree.

Guliüloj b́en ca' xguialrniabee xindxab

2 Yan, compniar raliduladx ree Dad Jesucrist, xcwent guial

gui'taman stijb nè guial yadxaag ree con laaman, raza'can lèjt liaadx, ²ad bal tièbidi tibrajtzi gusquiee ree bejn lèjt, b́en r̀eb ree ma bidxin dxej gui't Dad Jesucrist. Ad guidxebidi gucaagdiajguidi zian, o na ree bejn guial tijb sprijt r̀eb loj reeman zian, o dunujn baxhaal gui'ch loj reeman lod raguie'chan zian. ³Ad tièbidi chu gusquiee lèjt, din chi gad dxej guin guidxin, yalojxgaj guidxin ree dxej ni ad zuzoobtri bejn xtiidx Dios. Abi' gulüüloj tijb b́en güün ganax ni r̀en xindxab, b́en ma naj par gabijl. ⁴Laagajc laaman guilies xvalor, abi' yalenman gra ni nünbee bejn zi'c Dios nè gra ni rnajchi' bejn zi'c dios, xt cweman lèn xyadoo Dios, abi' guièbaman guial laaman naj Dios.

⁵Gol basaaladx guial zian rnin lojdi chi guzun'è'n lèjt. ⁶Abi' yan lèjt ma ragbee chu cutèè chitèè gulüülojman, la'tgaj guidxin dxej rayal gulüülojman. ⁷Ma cayajc ree xgambal guin, per yu' b́en cutèè gac reen cumplid. Chi ma bisüd b́en cutèè guin, ⁸dxel gulüüloj benmal guin, abi' Dad Jesucrist con tijbzi gulüjbaman gugüjtaman laaman, dxel con xbianiman ni guidnèman gunidlojman laaman. ⁹Benmal guin por xindxab gui'taman, abi' dád gapaman gualrniabee. Güünman zien ree ni yadxaloj ree bejn, güün tèèman zien ree milagr par gusquieeman. ¹⁰Con graloj ree ni mal gusquieeman b́en canijt ree loj Dios, guial ad guyènt reeman ad cwèjb tèèt reeman nililadx reeman ni diidxli zile' nuslaa laa reeman loj dol. ¹¹Zeel ruslaa Dios gusquiee

gra ree ni guin laa reeman, abi' guuililadx reeman ni ad najt ni diidxli, ¹²din yayal gra reeman casti, guial ad bililadxt reeman ni diidxli guin, din mazri bayuladx reeman been reeman ni mal.

Sudxi'ch reeman loj ni rililadx reeman

¹³Compniar, r̀en Dad Jesucrist lèjt. Zianczi rayal yadèèn quixtèè loj Dios por lèjt, din diizd guia'xchej ma bacaabeeman lèjt din laadi loj casti, guial ma nayadi por xSprijt Dios nè guial ma bililadxidi ni naj diidxli. ¹⁴Par zian gurejdx Dios lèjt gaquidi xbejnman chi badün xtiidxza'c Dad Jesucrist lojdi, din yayalidi xanyabaa lod za'man.

¹⁵Zeel, compniar raliduladx ree Jesucrist, gol guzujdxi'ch gol binal tèè ni balüün lèjt chi badxu'n'è'n lèjt, nè ni ma banan lojdi loj gui'ch ren. ¹⁶Abi' Dad Jesucrist gajc nè dux Dad ree Dios b́en r̀en dunuj ree, b́en ragu' du luxdoo ree zianczi, b́en banee tèè ni ralèjz ree guial najman benza'c, ¹⁷laaman yagu' luxdoodi gagnè tèèman lèjt din sudxi'chidi din gra ni guinieedi güün tèèdi gac zagdxè.

Rèn Pab cwedx guiniab reeman Dios

3 Yan, compniar raliduladx ree Jesucrist, gol gurejdx gunab Dios por dunujn din diob guire'ch xtiidx Dad Jesucrist gralad, abi' guza't reeman xtiidxaman zagdxè zi'cgajc beendi. ²Gol gurejdx gunab tèèman din yabèèman dunujn loj ree benmal, loj ree bendxuudx ad nabant xnejz, din ad grat bejn rililadx xtiidx Dad Jesucrist. ³Per

laaman zianczi rüjn xtiidxaman cumplid, abi' laaman gagnë lëjt din sudxi'chidi, guinia tëëman lëjt chitëë güüнди ni mal. ⁴Dunujn rayagbeecheaaw guial laaman cayagnë lëjt cayüjndi gusnuu tëë güüнди ni banan lojdi. ⁵Gagnëman lëjt din guiëndi bejn ree zi'c rën Dios laa reeman gap tëëdi pacens zi'c gojp Dad Jesucrist pacens.

Rüjn naguiejn güün bejn dxiin

⁶Yan, compniar raliduladx ree Jesucrist, por laaman ranabeen lëjt: Gol bariica loj chutëëz compniar gaz za' ad rënt güün dxiin, b́en ad naban tëët zi'c balüün lëjt. ⁷Din lëjt ragbee xhienaag guibandi din guibandi zi'c nabajnan. Dunujn ad badxu'në'tan lëjt sin guial naguieenan dxiin, ⁸achu tëët baneexlia' ni badaawan. Lëjt ragbee guial dád baguieenan naguiejn baguieenan dxiin, dxej guiaal baguieenan dxiin chitëë yalu'n xchiindi guial güüнди dunujn yudar din gac yabajnan. ⁹Majsi zajc nanabeen lëjt nüjndi dunujn yudar, per baguieenan dxiin par yalüün xhienaag rayal guibandi güüнди zi'c raguieenan. ¹⁰Chi badxu'në'n

lëjt, ranan lojdi: B́en ad rënt güün dxiin, ad zajw gajctaman. ¹¹Per yan baguiejan guial yu'di gaz za' ad rëntidi güüнди dxiin, abi' rudi loj ni ad rayaltidi. ¹²Par b́en zii ree dunujn rana ranabee tëën laa reeman por Dad Jesucrist yabedxe reeman, güün reeman dxiin din guiban reeman.

¹³Guiáad lëjt compniar, ad yalenyá'di güüнди ni naj zagdxe. ¹⁴Bal yu' tijbidi ad ruzoobt diidx guial güüнди ni ranan loj gui'ch guie, gol baguiaa chu benan, ad guchajg tëëdi laaman din yatu lojman. ¹⁵Per ad guguaadi laaman zi'c tijb b́en rdxe'chidi, gol baguiaaman zi'c tijb bijchidi, gol guneenëman din guibanman zagdxe.

Diidx bigra ca ree loj gui'ch guie

¹⁶Dad Jesucrist b́en rabe'cdxe luxdoo bejn, laaman yabe'cdxe luxdoodi guixie guixie në loj gra. Laaman sunë lëjt.

¹⁷Naj, Pab, quijb naj cuca ree lejtr guie par gugajpdiozan lëjt. Zian rünan con gra ree da gui'chan, zian naj ree da lejtran. ¹⁸Dad Jesucrist güünle' gradi.